

聖旨是欽此

申明採燒柴炭夫甲包攬刁撥之徒告
管工官送該廠查勘例

成化三年十一月十八日工部尚書王 等
題為公務事通政使司右叅議王 題_臣近

命差往易州

山厥總理柴炭看得本廠事務浩繁奸弊多

端前項柴炭係供應重務不可一日缺乏若

不設法處治深為未便謹以利所當興害所

當除者條陳一二上瀆

聖聽如蒙乞

勅該部詳議施行庶俾官民知所遵守豪橫有所警懼事

體歸一而供應不誤等因具題該通政使司

官於

奉天門奏奉

聖旨是該衙門看了來說欽此欽遵抄出到部今將本官所言事件內除一應攬害柴夫事係該戶部掌行移咨徑自施行外其禁革奸弊等件逐一斟酌擬議開立前件

計開

一件申明舊制事查得先前節次奉

准事例今後但有夫甲人等及替人當夫拖欠工程致被官工人員追併捏詞赴通政使司或巡按監察御史處訴告管工官吏醫士人等受財等項并送山廠查勘明白畢日通送法司問罪依行遵守去後但行之年久官民多不遵守管柴官吏中間貪墨害民者固有而積年在廠刁潑之徒包攬扶響誣告者亦多且如山

西等處潞州沁留等縣刁民徐彪李大賢等包攬本處人夫到廠領出官價銀兩不行用工迨回原籍已經五次行文提取不到却赴欽差巡撫山西右僉都御史李 慶具告本縣縣丞高智

杜落官價銀兩等情見今行提問理臣見得

本廠各府縣撥季人夫中間多係積年走廠無籍之徒包攬而山西為甚若不申明禁約誠恐遞相倣效習以成風上有誤於供應下有害於良善深為未便乞

勅該部行移各該衙門今後但有前項人夫包攬刁潑之徒赴通政使司巡撫巡按并合于上司奏告管工官吏醫士人等受財等項事情仍照舊例送發臣處查勘本告所納柴炭有無完

足及有包攬管工官吏人等有無受財明白
通送法司問罪如此庶得刁風杜絕供應不
誤

前件查得本部右侍郎吳復等節次奏

准事例今後有夫甲人等赴通政使司或巡按監察御史
處訴告管工官吏醫士人等受財等項事情
先送管理柴炭叅議王詔處查勘本告所納
柴炭有無包攬拖管工官吏人等有無受財
情由是實方將合問人犯通送法司衙門問
罪發落庶免中其奸計供應不致耽誤

告許管柴炭官吏人等俱行山廠勘例

成化十三年三月初二日工部尚書王 等

題為申明舊例事此田清吏司案呈奉本部
送刑科抄出

欽差工部左侍郎萬 題前事成化十一年十二月二十

九日節該欽奉

勅易州龍灣等處山廠每年採辦柴炭供給園用實為急
務今特命爾前去專一管理往來比併凡利
所當興弊所當革者聽爾從宜處置欽此欽
遵查得先年

欽差右侍郎陳恭吳復禮部右侍郎鄒 節次奏

准事例今後但有夫甲人等及替人當夫拖欠工部管工
人員追併捏詞赴通政司或巡按監察御史